



## Universitätsbibliothek Paderborn

**R. P. Richardi Arsdekin Soc. Iesu S. Theol. Professoris  
Theologia Tripartita Sive Resolutiones Polemicæ,  
Speculativæ, Practicæ, Controversiarum, & Quæstionum,  
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter  
accommodatæ ...

De Controversijs Polemicis, & Scholasticis, etiam modernis

**Archdekin, Richard**

**Antverpiæ, 1682**

§. 1. Status, & Historia hujus Controversiæ.

**urn:nbn:de:hbz:466:1-40853**

## CONTROVERSIA SECUNDA

*An detur Prædeterminationis physica à  
Deo ad omnes actiones creaturarum.*

§. I.

*Status & Historia hujus Controversie.*

**P**ost Disputationes coram summo Pontifice institutas à Patribus Dominicanis contra scientiam medium & affines Controversias, rogarunt impensè Patres Societatis, ut sibi quoque liceret contra Prædeterminationem physis, præsertim in meteria de gratia, sua argumenta depromere. Itaque de illa coram Paulo V. habitæ sunt à P. Bastida octo disputationes, quæ durarunt usque ad diem 22. Februarij anni 1606. in quibus contendebat gratiam quæ est efficax in actu primo, non esse talem ex sua physis entitate, sic ut eā positā in voluntate, implacet contradictionem ex vi illius gratiæ non sequi voluntatis consensum: idque ex quatuor potissimum principiis concludebat. Primò, ex testimoniosis Scripturæ Sacræ: 2. ex definitionibus Conciliorum Tridentini, Arausianæ, & Senonensis: 3. ex doctrina S. Augustini, & alii Ecclesiæ Patribus: 4. ex consensione quam conabatur ostendere inter hanc, & doctrinam Calvinii, non enim videbatur adhuc eo tempore in hoc conatu nimium excedere, cum paulò ante ab adversariis, prolixis parallelis, doctrina Molinæ, cum Pelagi institutis collata fruisset. Omnis

bus absolutis talis fuit Pontificis sententia , qualem de scientia media in §. 2. supra retulimus.

Status itaque hujus celeberrimae Controversiae de Prædeterminatione physica genetricē sumpta hic est. An ut creatura agat, necessariō prærequiratur prædeterminatio physica, quæ sit prævia aliqua motio ad singulas actiones à Deo producta in causa secunda , per quam applicetur, & determinetur ad agendum.

Prima sententia propria est Thomistarum , quæ asserit , præter Concursum concomitantem, quem ponimus , causæ primæ cum secundā , necessariam esse motionem illam antecedentem, quā positā creatura debeat agere, & quā non positā nequeat operari , sive sit agens necessarium, sive liberum.

Disconveniunt tamen inter se Thomistæ in assignanda Entitate in qua præcisē consistat illa præmotio. Primum, Bannez Caprera, aliquie apud Ruiz de volunt. Dei disp. 46. sect. 1. volunt esse qualitatem physicam & fluentem à Deo causis. Secundis impressam , & per modum partialis principij prius naturā completem actionem creaturæ ; & sic dicendum est hanc præmotiōnem se tenere ex parte actus primi.

Secundò, docet Nazarius, & Capezudo , esse ipsam actionem creaturæ prout illa procedit à Deo ut causa determinante, & simul à creaturæ ut causa determinata ; & juxta hanc expositionem , prædeterminatio videretur se tenere ex parte actus Secundi. Alij recentius aiunt, illam consistere in applicatione omnium prærequisitorum ad actum secundum , sive ad actionem necessariō ponendam.

Tertiò, Alvarez & Zumel tradunt prædeterminationem esse aliquid neque spectans ad ac-

348 Part 2. Cont. 2. An detur Prædetermin. Phys.  
tum primum, neque ad actum secundum, sed  
inter utrumque aliquid medium de utroque ex-  
tremo aliquid participans, quam motionem vir-  
tualem nuncupant. Sed ista entitas media nullâ  
potest ratione falciri; per hoc enim omnino  
corruit, quod neque D. Thomas, neque alij  
Theologî dividentes adæquatè actum in pri-  
mum & secundum, talis actus mediij unquam  
meminerint. Quodque per se inexplicabile vi-  
deatur, aliquam rem absolutè existere, & simul  
de actu primo aliquid participare.

Secunda opinio est Scotistarum, negantium  
creaturas applicari ad agendum per ullam hu-  
jusmodi entitatem illis intrinsecè inditam, asse-  
runt tamen illas per decretum Dei extrinsecum  
absolutum, & efficax ad agendum applicari ac  
determinari. In hoc igitur à Thomistis tantum  
discrepare videntur, quod hi doceant præviam  
creatûre applicationem fieri per aliquid cause  
creatûre intrinsecum, Scotistæ verò per aliquid  
extrinsecum. Sed neque sic prioris sententia  
difficultates satis evitant, neque desunt propriæ  
quas insuper incurront.

Tertia opinio prioribus opposita, & Scholæ  
Societatis universæ propria, reicit omnem  
istiusmodi prædeterminationem physicam: ne-  
gatque applicationem eartæ secundæ ad agen-  
dum aliam esse necessariam, quam ut Deus in  
actu primo paratus sit suum illi concursum pre-  
stare ad agendum, & creaturâ seipsum determi-  
nante, Deus simus per eandem actionem cum  
illa operetur: quod ex dicendis magis expone-  
tur.

§. 2. Officium